



Dines Mikaelen
Inatsisartunut ilaasortaq
Siumut

**Soraarnerussutisiaqalernerumut atatillugu Inissiaqarneq pillugu § 37
naapertorlugu apeqquteqaammut 2024-033-mut akissut**

20-02-2024
Suliap nr.: 2024-3985
ID. nr. 91034659

Asasara Dines,

Inatsisartut suleriaasianni § 37 naapertorlugu soraarnerussutisiaqalernerumut atatillugu inissiaqarneq pillugu Naalakkersuisunut apeqquteqaateqarputit. Apeqqutit uannit akineqartussatut innersuunneqarpoq. Apeqqutit matuma kinguliani allanneqarpoq, akissummillu malitseqarluni.

Postboks 909
3900 Nuuk
Tlf.: (+299) 34 50 00
E-mail: box909@nanoq.gl
www.naalakkersuisut.gl

Apeqqut 1: Naalagaaffimmit imaluunniit Namminersorlutik Oqartussanit atorfeqartinneqartut atorfimminnullu atatillugu sumiiffimmiit sumiiffimmut nuuttarlutik sulisariaqartartut, soraarnerussutisiaqaleraangamik Naalagaaffimmiit imaluunniit Namminersorlutik Oqartussanit illusissunneqarnissaanut isumagineqartarpat?

Akissut: Atorfimmut atatillugu inissiamik tigusinissamik imaluunniit inissiat nalinginnaasumik attartortinneqartartut utaqquisut allattorsimaffiinut allatsinnissamut, Inissianik attartortitsisarneq pillugu Inatsisartut peqqussutaanni (attartortitsinermut peqqussummi) periarfissaasut saniisigut ikiorsiisoqarneq ajorpoq.

Attartortitsinermut peqqussutsip § 21-ani imm. 3-mi allassimavoq, attartortoq soraarninngornissani sioqqullugu ukiuni pingasuni kingullerni sulisunut inissiami ataatsimi najugaqarsimasoq, sulisunut inissiamik attartortittakkatut nalinginnaasutut tigusinaminut pisinnaatitaaffeqartoq, taamaattoq tak. imm. 4.

§ 21-mi imm. 3 naapertorlugu pisinnaatitaaffik inissianut Naalakkersuisunut ilaasortanut, naalakkersuisoqarfimmi pisortanut, pisortat inissiaattut immikkoortinneqarsimasunut aamma inissianut siunertanut aalajangersimasunut immikkoortinneqarsimasunut imaluunniit atorfinnut aalajangersimasunut atugassanngortinneqarsimasunut atuutinngilaq.

Neriuppunga qulaani allaqqasuni apeqquteqaatit akineqartoq.

Inussiarnersumik inuulluaqqusillunga

Hans Peter Poulsen